

STA:

## Ora bisa algo mester para pe

**ORANJESTAD – WAB , STA y Mediador a palabra cu lo yega na un acuerdo pa e trahadonan cu ta cay bou di WAB pa cual ora a yega na mesa cos a cambia cu a trece diferencia di opinion entre STA y WAB. Presidente di sindicato STA Diego de Cuba ta splica.**

Durante di e negociacion tabatin un punto cu STA no por a yega na acuerdo cun'e cual a causa cu no por firma e protocol. E ora a dicidi pa firma e CAO den su totalidad, pa den e proximo diahuebs atende cu tur e paginanan den e CAO.

“Recientemente STA a tene reunion cu su miembronan y a palabra algo otro cu e miembronan, pues no por firma tras di nan lomba algo cu no a wordo palabra cu nan. Nos semper ta traha den forma democratico, kiermen si mester firme asina nos ta bay kima nos dede.” Mientrastanto ta purba sali for di e impasse, mediador ta bay trata cu e dirigentenan di WAB pa wak si nan por yega na un solucion pa e impasse

chikito.

“Mi no ta kere ta algo dificil pasobra nos ta hopi cerca di otro, pero si mi ta kere e ta haci un tiki dolor. Tambe, locual a pone cu no a firma ta cu e negociacion a bay un poco for di man. E emocionnan a bay haltu, pues e no ta prudente pa sigui sinta na mesa como ta cuminsa zundra y discuti riba cosnan cu no ta bin al caso.”

### Motibo discusion

E discusion na mesa tabata riba un aumento of un bonus cu a keda palabra pa un cierto suma ora cu firma y awe ora a bin na mesa e suma a baha cu 50 florin, eynan a e discusion a cuminsa y cos a pega, segun sr. De Cuba. “Un otro discusion ta, cu tin un clausula pa mediador propone pa si cos bira frega na Aruba partidonan mester sinta na mesa y trata na yega na un entendimento y si tin di yuda aumenta salario etc. Esey tambe nan a sake for di e protocol y nan a hinca otro texto aden, e texto cu a bin cun'e por bin cun'e segun STA, sinembargo e palabracion di 50 florin como bonus ya a wordo bendi na e miembronan. Finalizando

a puntra Sr. de Cuba si ta considera pa bay plat, el a bisa cu por bay plata cualkier momento, pero mester pensa cabes friu y wak si ta hustifica y si ta necesario pa bay plat, y si por yega na entendimento prome. Cu speranza cu diahuebs otro siman por finalisa e CAO.

### Riba mesa

A puntra sr. De Cuba si locual tin riba mesa actualmente STA ta contento cu ne. El a bisa: “Locual cu tin riba mesa, nos por biba cun'e. No cu nos ta 100% contento, pero cu nos a haya un adelanto si nos ta contento. E no ta locual nos ta desea si, kisas e no ta ni mita di locual STA ta desea pero esaki tin aworaki.”

E situacion ta fastioso caminda ta haya cu tur hende a ripara despues cu a reuni cu minister, e dia siguiente, tabatin accion. “E cosnan aki ta trece problema pa e companianan serio cu ta paga nan impuesto.” Riba un otro nota sr. De Cuba a bisa cu aworaki e ta wak un documento di un compania cu a bay parlamento. E compania supuestamente ta bin traha

Green Corridor mientras cu nos hendenan mes por. Y ta cuestiona pakico mester bin cu compania di afo pa haci esaki.

### Adelanto

E adelanto ta bay ta masha simpel segun Sr. De Cuba. E ta bay ta di un florin cu ochenta cen pa ora, reparti den tres aña y mey. Esey ta den salario directamente, pues mas o menos setenta pa ochenta cen cu ta cay pafu di e salario, pues entre dos florin cu cincuenta cen, e empleadonan lo ta hayando pa ora, cual sinembargo ta un aumento rasonabel, segun presidente di STA. Si calcula esaki, e ta bira mas o menos 100 pico florin pa luna. “Nos por biba cun'e teniendo na cuenta e situacion na Aruba y cu ya pa 1 aña y mey e empleadonan ta sin haya aumento. Banda di esey nan ta haya placa extra na luna di juli 2016 y 2017 y un bonus ora cu firma e CAO.

Ta papiando di mas menos 400 trahado cu lo haya e adelanto aki, e 400 trahado ta reparti den 4 compania. □